


Biografía di Nerio Italo Wever (Taly)

Nerio Italo Wever a nace dia 8 di augustus 1939. Su nomber artistico ta Taly. Su mama yama Gisberta Wever Franken. E a nace na Oranjestad banda di e negoshi Marathon. Nan ta diesun ruman aki na Aruba. Su ruman homber chikito ta na Hulanda. Dos otro ruman di parti di su tata, ta na estado Falcon, Venezuela, pero un di nan a bay laga nos un par di luna pasa. Taly ta number cuatro di e rumannan. E ta casa aworaki cu Amina Raiza Lubrano. E ta naci dia 3 di maart 1949. E a casa na aña 1996 na Caracas, Venezuela. E tin ocho yiu. E mayor ta Mireila, despues ta sigui Itala, Laudelin, Suraila y e mucha homber cu tin mesun nomber cu ne, anto su nomber di cariño ta Ito. Anto di e otro señora e tin Julio Cesar, Michelle Josefina y Gano Rosano, un nomber italiano. E dos ultimonan ey ta na Hulanda. Den famia tin mas musico. Bon, e ta corda tempo e ta mucha, e ta bay scol ainda, anto su ruman homber mayor Lulio ta canta den conhunto. Despues ta bin Elio. Elio nan ta yam'e Tokkie. El a bay un tiki mas dilanti den su tocamento, pasobra el a bay den un orkesta "Caribbean Ambassadors" di Leo Etelt.



Segun Taly e bida artistico ta un otro bida



Si e ta un otro bida otro rumbo, tur cos ehm,...bo ta bira, ami ta mire asina bo ta bira mane dos personalidad. Ora bo ta cantando bo ta un henteramente otro hende, ora bo weita hopi hende bo dilanti, bo ta canta pa nan bo den un henteramente otro mundo no. Ora bo caba

eynan asina ey, tin biaha bo ta sintibo fastioso pasobra bon kier pa e anochi caba. (Ta harie, hahaha...) Pero bo tin di bay cas bay drumi, hendenan tambe tin di bay. Pero muziek ta un cos, cu e ta hiba bo te ayanan no.

Inicio di Taly su bida artistico musical

Ike Cohen a tende canta, toca y ta door di dje, por bisa e ta te awe riba e farandula.

Wel bo sa kico ta pasa, cu di mucha bo ta sinti cu bo kier canta. Anto mi tabata canta scondi, despues poco poco bo ta haya un tiki briyo. Pa bo haya un guitarra e tempo aya, tabata un poco dificil. Tempo Tali tabatin binti aña, e tabata paga cinco florin pa siman pa e por a cumpra un guitarra. Anto e mes un mucha homber, un tal Pascual Albertus, fo'i kende e a cumpra e guitarra pa binticinco florin, a siñe un par di acord.

Despues e a bin topa cu hermanos Sanchez. E tabata bay cerca nan y e a haya un tiki mas asina ey. E a topa hopi otro guitarista. E temponan aya bo ta sali keiro bo ta topa un hende cu guitarra, bo ta combersa cune y di tur bo ta siña un tiki cos. Ike Cohen a tuma Taly na Strand Hotel (cu despues a bira Talk of the Town). Ike Cohen a tende canta, toca y ta door di dje, por bisa e ta te awe riba e farandula. Su

Instrument musical ta guitarra. E a toca y biba na Puerto Rico, New York, Philadelphia, Colombia, Venezuela y Corsou. Na Corsou e a traha na Hotel di Arthur Frommer, despues e a bay traha na Holliday Inn, biba den un suite durante e temporada aki. E a topa hopi artista y a cera amistad cu nan, manera Boeis Hale (compositor), Rudy Plaate y George Willems.


Taly su Desaroyo Musical

E tabatin cuatro pa cinco guitarra den su bida. Aworaki e tin dos. Ainda e ta corda e prome guitarra, pero e no sa na unda e ta awor. Ora cu bo tende guitaristanan bon, bo ta bisa caramba, e ta 'na bo motivacion y sintimento cu bo tambe por. Cu hopi motivacion y dedicacion bo ta train duro. Nunca Taly a tuma les, pasobra mayoria bes, su amigonan no ta cobre. E ta bay cerca nan, despues bo ta wak pa e guitarra zona cla. Bo tin di custumbra bo pols, e mester ta los, flexibel pa bo por domina facilmente cierto ehercicio y cosnan mas complica y despues bo ta bay un tiki mas lihe. E

tabatin mas problema cu e man robes cu esun drechi. E ta toca calypso, huapango, tur cos,...te hasta tango. Tango ta esun mas facil pe. E sla ta masha dificil pa mayoria musico, aki na Aruba y na Venezuela tambe, pasobra e a traha hopi tempo na Venezuela memey di hopi musico. Taly ta toca e tango, e ta mas facil pa e cu un ranchera. Por cierto e a concentra mas riba e ritmonan di balada y bolero. E a toca mas tanto su so y no den grupo. E temponan aya bo mester a sali for di Aruba pa un miho porvenir y experiencia. Tempo cu e a sali, e tabata traha na Holliday Inn Aruba e kier sa. Tony Daro, e showman, a


tende Taly toca na Sheraton Hotel. El a hibe Merca y e a keda basta tempo aya. E tin un repertorio inmenso! e ta canta cowboys songs, canticanan di tempo di Gene Autry y Roy Roys. E ta canta un wals, un wals Peruano, un bolero, balada y tango. Y loke ta pasa cu ora e cant'e, e ta cant'e cu e toke cu e cancion ta existi! Kiermen si e canta un tango bo ta kere cu ta un Argentino e ta, esta si bo no conoce anto. Si e canta un ranchera, bo ta kere cu ta un Mexicano e ta. Cosnan asina, ta existi hopi dedicacion pa bo duna e interpretacion necesario cu e cancion merece. Esey ta yama ora bo ta un cantante versatil.

**Ora cu bo
tende
guitaristanan
bon, cu hopi
motivacion y
dedicacion bo
ta train duro**



Composicion

Bo sa, Taly ta mas un interprete. Den su bida e ta calcula cu e a traha cinco cancion, no mas. Pero e tin algun propio composicion si, cu e ta cuminsa nan, despues e ta laga nan para. Pasobra bo no ta haya un empuhe tampoco.



Taly su motivacion

Bo sa kiko ta pasa pa cuminsa e aplauso Y e trato cu bo ta haya bo sa, e invitacion paki paya. Bo sa y bo ta cuminsa crese. Bo ta cuminsa crece despues cu e ta na Strand Hotel despues a bin un grupo di Puerto Rico, nan a bin Strand Hotel, y Taly ya tabata tin un repertorio basta grandi. E tabata canta canticanan di Puerto Rico, anto djeyan nan a invitami bay Puerto Rico, na Lagas San German. Anto eyan, si bo por bisa porta a habri pa Taly. Despues e a bin y e a bay Corsow. E a traha dos aña y mei na Corsow den Holliday Inn. Arthur Frommer, na Holliday Inn e a biba den Hotel dos aña.

E parti Internacional


Taly a topa e compositor mas grandi di Colombia Dr. Villasmil

Taly tabata bay Bogota, Colombia tur aña. Na Medellin tambe e a canta na un hotel e tempo aya cu tabata yama Normandie y un otro hotel cu yama Aruba. Pero na Bogota e a topa e gran compositor Dr. Villasmil, bo por bisa cu e ta e compositor mas grandi di Colombia. Anto e a toca na Merca y na Canada tambe e a toca na algun luga. E a bay como seis, shete biaha Puerto Rico.

E a toca na Hotel Borinquen De La Concha. E a toca na Corsou, Boneiro y Sint Maarten. E a toca na Italia (Anso) tambe, tur luna di juni e tabata bay. E señora ta Italiano-Venezolano. Taly a toca tambe na New York –Farmingdale. Kiwanis a invite. E a toca pa 2500 hende cu su guitarra y despues cu orkesta na Bogota – Tekendama. Taly a toca hopi na Venezuela-Caracas.

Sugerencia

Taly kier bisa e hubentud cu si bo kier bira un musico, pone bo serio na dje. Tum'e na serio, wak pa bo bay dilanti. No pa bo cuminsa awe, bo ta stop mañan! Keda semper cu musica y no bebe ni huma. Bo sa, pa cuminsa e kier pa e musiconan ta mas uni. Mester bin cu un ley pa financieramente proteha nan tambe. Un conseho pa tur musico: no tene miedo di tuma conseho di cualkier otro musico.



Mester bin cu un ley pa financieramente proteha Musiconan